

Комсомолюн ВАЙГЯЛЬ

ЛИСЕНДИ VIII-це КИЗОСЬ

ВЛКСМ-нь Мордовский
обкомть и Саранский
горкомть газетасна.Адрес: г. Саранск, Советская ул.,
Дом печати, Телефон № 1—80.

ПИТНЕЦ 5 тр.



ЛИСЕНДИ КОВТИ 12-ксть

СЕМБЕ ШИРДЕ АНОКЛАМС УРОЖАЙТЬ УРЯДАМАНЦЫ

Социалистический паксятне кармасть макссема стама оцю урожайность, кодама ашезь нянде и афи нии вестенге фкявок буржуазный государства.

1939-це кизоня Мордовский гос-селекционной станцияса комсомол-каты Билинкина ялгаты звенац, аф ваномок засухаты лангс, получась эрь гектарста 40 центнер сура. Тяфтама урожайть Билинкина ялгась сатозе видефть и почваты мельге цебарь ухотды вельде.

Тяде кизось надияфни козя урожай. Но можна мяндемс тя урожайтьке, кда кальдявста анокла-мса тейнза. Мезе эряви тяти тиемс, штоба получамс оцю уро-жай? Васендакиге, эряви вятемс решительный тюрема велень хо-зяйствань вредительхень каршес. Тянкаса видефне эрявихть сяди чистайнаста кочкомс, применить агротехнический, химический и механический средстватненъ, лядендемс китненъ крайге касы ти-шетненъ и стак тов.

Эряви тя тевти мобилизован-дамс сембе комсомолецненъ и аф союзной од ломаттненъ, а кда эрявксты, то мобилизовандамс сембе колхозникненъ. Тя тевса це-барь кепотыкст няфни «Ударник» колхозста (Ромодановский район) первичный комсомольский органи-зациясь. Тяс 15 комсомолец эрь шиня примосихть участия сьоронь кочкомаса. Тяди башка комсомо-лецненъ вийснон мархта петф 3 жнейкат и лама иля инвентарь. Ст.-Синдровский районца «Боль-шевик» колхозса Тишкина ял-гаты звенац кочкомаса работань норманц пашкотыкшнесы котонь крда. Тяфтажа цебарь сатфкт сьора урядамати анокламаса сатсь Рыбкинский районь «Новая жизнь» колхозста первичный ком-сомольский организациясь. Тяс пцтай 100 процентс ни анокласть сьора урядамати.

Но улихть нинге стама комсомоль-ский организацият, конат ширеса а щ и х т ь тя важнейшей тевть эзда. Вов Ежка велень «Валда ян» колхзста (Ковылкин-ский район) комсомольский органи-зациясь нльня эсь собраниясон-зонга тя кизефксть нинге ашезе ванонда.

Колхознай, совхознай и МТС-нь эрь комсомольский организаци-я, эрь комсомолецти эряви мя-ляфтомс, што победась мзярдон-га сонс аф сашенды, а сонс сат-несазь тюрезь и упорна работазь.

ТАСС-ть сообщенияц

Мекольденъ шитненъ пингста иностраннай печатса кармасть нолявома кулят, што бта СССР-ть и Турциять йоткса мо-лихть переговорхт советско-турец-кий од договоронь кемокстамать колга и што тянкаса иностраннай тевонь министр Сараджоглу срхкай молемс Москву.

ТАСС-сь уполномочен азомс, што ня кулятненъ аш кодамовок основаниясна и ащихть сплошной вымыслас.



Июнь 24—25-це шинзон пингста Саранск ошса ульсь йотафть иденъ худо-жественнай са модяательностень олимпиада.

СНИМКАСА: Олимпиаданъ участникне 12 № школанъ ученицатне-отлични-цатне кштисазь русский народнай танець «Калинка».

Фотось В. В. Ивенинть.

Аделавсь ошень олимпиадась

Июнь 24—25 шинзон пингста Саранск ошень летний театраса ва-нондовость ошень иттенъ худо-жественнай самодеятельностьсна.

Васенцесь иденъ творчестванъ олимпиадаты эса выступал 44 № средней школась. Васенце номерть исполнительницац ученицась Кула-гина ялгась аф кальдявста декла-мировандась Сталин ялгаты колга стихихотворения.

Оцю аплодисмент ала йотась тя школать октябреноконъ хорть выступленияц.

Олимпиадаты васенце шистонза мекольцесь выступал 1-це № шко-лась. Сонь хороци оркестроц уче-никть Полежаевть руководстванц ала пяк цебарьста моразь эрэянъ

кяльса Сталинть колга морть. Тяди меле хорсь и оркестрсь морасть «Рыбацкая» и лама иля морхт. Тянь мархта олимпиадась васенце шинь работанц аде-лазе.

Июнь 25-це шистонза выступа-ли ошень начальнай школаста и пионеронъ кудста участникне. Синь тяфтажа исполнили лама интереснай морхт, частушкат, мо-рафтсть рассказ, декламирован-дасть стихотвореният, кштисать и стак тов.

Олимпиадась цебарьста няфте-зе, конашкава талантливайхть со-ветский итне, конат эряихть Сталинский Конституциять ши-валдонц ала.

Сайгин.

Эрь колхозти—водоем

Водоемонь тиёмаса движениясь

(Телефон вельде).

Лямбиль. Оцю активность мархта районца комсомолцеце обсуждають ВЛКСМ-нь ЦК-ть XI-це пленумонц материалонзон. 16 пер-вичнай организациява йотасть ни комсомольский собраният, коса особенна активнайста обсуждають ВЛКСМ-нь ЦК-ть XI-це пленумонц водоемонь тиёмать колга матери-

алонзон.

Комсомольский собранияда меле Александровка и Елховка велень комсомолцеце кемоста кярьмодсть колхозса водоемонь тиёма. Июнь 20 шинцты синь тисть ни тифтенъ водоем.

Водоемонь тиёмать инкса дви-жениясь колхозненъ эзга касы.

Комсомолцеце—водоемонь тиёмаса организаторхт

(Телефон вельде)

Ковылкинский районь комсо-мольский организациятненъ эса ак-тивна обсуждадакшневи ВЛКСМ-нь ЦК-ть XI-це пленумонц водоемонь тиёмать колга материалонза. Ня шитненъ ВЛКСМ-нь райкомс йотафть специальной совещания первичнай организациянь секре-тарьхненъ мархта, коса синь зна-комондаз ВЛКСМ-нь ЦК-ть XI-це пленумонц работанц колга инфор-мационнай сообщениятненъ и ком-сомольский правдаты передовой статьязон мархта.

Совещанияда меле 12 комсомо-лец райактивть эзда ульсь кучф первичнай комсомольский органи-зациятненди лезксонь максом.

Собраниятненъ эзга ВЛКСМ-нь

ЦК-ть XI-це пленумонц матери-алонзон обсуждадамдост меле колхозга вишкомкшни водоемонь тиёмась. «Строитель» колхозса (Русско-Лашминский велень совет) комсомолцеценъ инициативаснон коряс аделаф строямда фкя оцю водоем, конанди маластонь пингть улихть нолдафт калхт.

Вишкста моли водоемонь тие-мась Троица и Чепурновка ве-лень колхозненъ эсонга. Чепур-новкаса прудяф ни оцю пруд, ко-нанъ тиёмаса примсесь эрь шиня активнай участия 3 комсомолецт. Троица строяф арык, кона кармай арашаты нилицке колхозненъ переснон.

Шушпанов.

Ковылкинский район.

Тишень и сьоронь урядамати анокламась

Тишень и сьоронь урядама кам-паниятненъ образцовайста йотаф-томаснон инкса лац аноклайхть Саранский районь Николаевский велень советонъ Ворошиловть лемса колхозонъ колхозникне. Июнь 23-це шинцты колхозсь аде-лазе петемда тишень урядама ин-вентаренц, тяфтажа пцтай сембе петф сьоронь урядама инвента-реца.

Колхозса сембоц лувондовихть 8 сенокосилкат, 6 коннай граблят, силосонь кярсема 1 машина. Сем-бе синь петфтьцебарь качества. Тяди башка колхозсь петсь 2 сноповязалкат и фкя лобогрейка. Июнь мекольденъ шинзон пинг-ста. Колхозникне МТС-ть лезксонц вельде аделасазь МК—1100 слож-най тяляма машинат ремонтонц.

Тише лядемань и сьоронь уря-дама инвентарть петемаса актив-най участия примосесь колхозть стахановецонза: Кузьма Иванович Самсонов и Василий Николаевич Ивенин ялгатне. Тунданъ видема кампаният пингста Ивенин ял-гась видемаса работань эсь нор-манц фалу пашкотыкшннезе 160—200 процентс. Синь, кода стаханове-цонъ, колхозонъ правлениясь ке-мокстазень звеньеводк сьоронь урядама кампаният пингстонга.

Тянийнъ пингть колхозонъ ру-ководительхне марса полеводчес-кий бригаданъ бригадирхненъ, звеньевоцтненъ мархта ванондсазъ и кемокснасазъ тишень и розень участкатненъ.

Маластонь пингть колхозсь лиси тишень лядема.

Федор Бикеев.

Мезе няфни звеньевой работась

Колхозса работань звеньевой формась—трудть производительно-стенц кеподемаса фкя инь важнай условия. «Большевик» колхозса йотай кизотъ сьоронь кочкомать пингста звеньевой работа ашель, а сембе работась мольфетвсь мар-са, сяс работань норматне шиди-шис афольхть пашкотыкшнев.

Тяде колхознай правлениясь работань тя форматъ шири шар-фтьс сатомшка мяль. Сьоронь коч-комаса звеньевой работась васенце шитненъ пингстакиге няфтсь це-барь результатт. Тишкина и Кри-воротова ялгатненъ звенасна эрь шиня работань нормаснон паш-котыкшнесазь котонь крда. Но кальдяв ся, што кочкихненъ рабо-тасна эрь шиня аф мерсеви. Бри-гадирсь Криворотов ялгась шурос-та якай паксав. Сембонъ тянь сю-неда кочкомаса работайхненди ла-ма пингс аш кода содамс рабо-тань эсь результатснон. Колхознай правленияти аф шоряй кошардомс Криворотовть эрь шиня мерсемс кочкф участкатненъ.

И. Горский,

Ст.-Синдровский район.

Акакий Церетели ОД КИ

Тята арьсе ёфси, муза,
Што мон сюекшнемот карман,
Сяс мес тонь советцень коряс
Ки сатсь тейне пяк кумбарав!

Сянксонга спасибо азан,—
Панжить сельмонень монь, сокортъ,
Тя лекарствась эряфсонок
Хоть и сяпи пою сока.

Коса кодамовок цебарь
Аф кулят, аф няят, азат,
Мезенди жа тоса валхне,
Няи сельмось, пилесь тазась?

Тейне родиназе содаф,
Келес яксине, кувалмос,
Правдась азонкшнеманц инкса
Матрась эсон горянь сталмось.

Тяса ёнькс лувсась и рабствовать,
Мудрайкс—подлай ломанть,
вреднайть,
Сяськикс эряфса иляткшни
Лиме-сюнесь, лицемернайси.

Штоб цютъкяня куцемс вярй,
Кяли брадсь эсь брадонц ланга,
Трайхне авокт мимс эсь идьснон,
Итне—трайснон, мирдсь—
рваньца.

А закоттне ашихть сетекс
Жаднай кядьсост фарисейхень,
Штоба вють мяленц ваномс,
Потямс вийфтемть, моцькак
сейхтемс.

Аньцек сёра видит инкса
Кивок цебарь тев аф тии,
Кеденц эзда снихть одежат,
Шокшезь ливозденца симихть.

Стак тят учсе, музай. Кие
Мяргй тейнек мезьге азомс?
Время кярмодемс ни тевти,
Валхень шири ёфси кадомс.

Ату атянянь кштиманякс
Трудоньке минь тяфта арай.
Мезе—ульсь ни—тячи аяш,
Мезе—тячи,—сявсы вармась!

Тята пеле, беднай муза,
Тята кулхонда тон киньге.
Мзярс эсонк эряхть вийхне,
Минь аф эвфтьсамазь од киньке.
1880 к. сентябрь 23 шистонза.

Йотафтозе АНДРЕЙ ЧЕКАШКИН.

ЗНАТНАЙ КОНЮХТ

Конюхне Кирдяшкинц и Аверяшкинц пяк цебарьста якяхть тейст кемокстаф алашатнен мельге. Синь работасост нинге ашель фкявок стама случай, мзярда алашатне ашельхть апак симдть, или апак антт, апак чистендакт.

Аньцек приметайхть, што алашать нолдаф пряц, кальдявста или йофси аф ярхцай, то эстакиге Кирдяшкин и Аверяшкин ялгатне серъгядьсазь ветврачть, конац эрь недаяне ванондсыне сембе колхознай алашатнен. Алашатнен мельге тяфтама заботась няфтезе эсь пряц синь упитанностьснон и шумбра шиснон эса. Йотай, а тяфта и тя кизонянга, колхозса ашезь урад фкявока алаша. Упитанностьсна сембонь синь средняяда цебарь.

Кирдяшкин и Аверяшкин ялгатне цебарьста анокласазь эсь пряснон родинать аралама. Синь аф кунара максозь норматнен обороннай тифтен значокс. Синь "Валда ки" колхозса лувондовихть знатнай конюхокс.

Ачапки.

Рыбинский район.

Акакий Церетели

(Шачема шистонза сявомок 100 кизонзонды—21-VI)

XIX веконь грузинский поэтень йоткста сембода виднай васта зацци Акакий Церетели. Сонь обширнай литературнай наследства ащи оцю ценностекс.

Акакий Церетели, великай грузинский поэтсь, ульсь беззаветна преданнай родинанцты и мекольденъ шинзон самс служась тейнза.



Церетели—народнай думонь лучшей выразитель и стойкай борец народть свободанц инкса.

Акакий Церетели шачсь 100 киза тядя инголе—1840 к. июнь 9 (21) шистонза Западной Грузияса. Сонь аляц ульсь знатнай, хотя и аф козя, княжеский родонь. Стариннай обычаихнен коряс будущай поэтть потяй шабакс максозь воспитандамс крестьянский семьяс. Саванэ велеса, ваниенц и воспитательница—крестьянкань пале, сон эрьс 5—6 кизонзонды модемс.

Комсь кизоса цьоракс А. Церетели тусь Петербургу и ступиндась тонафнема Петербургский университетть восточнай кялень факультетозонза. Тя пингста ушедсь сонь поэтический деятельность. Церетели куток васедсь Т. Г. Шевченкоть мархта. Украинань великай кобзарть мархта беседась од поэтти тись оцю впечатления и кадсь крхка след сонь эряфсонза. Петербургский периодста од поэтсь сьормадсь лама стихотворения, конатнен эса крхкаста сочувствует родной народонц.

Аф грамотность апак машфтт

1939 кизона Перхляй велеса лац ульсь ладяф аф грамотнай и малограмотнай тонафнемась. Тяса йотафневсть индивидуальной и групповой занятия, коса школьной работникта башка примосесть активнай участия школаса учеников.

Но аф тяфта ащи тевсь тя кизоня. Велеса сембоц 200-шка аф грамотнай и малограмотнай, ко-

Пяшкodemс аф грамотнайхнен мяльснон

Сире Маманя велеса тядденъ кизоть лувондови 50 лама аф грамотнай и 20 лама малограмотнай ломань. Синь пяк оцю мяльсна, штоба мартоост йотафневльхъ занятия, тонафтолезь синь сьорма-

ты, конац куфцесь самодержавиянь игать ала.

А. Церетели ашезь XIX веконь кодгемонце кизонь революционной демократтнен ширеса. Поэтть эряфонь тевонц сон лувондозе народти служениякс, художественнай литературать лангс ванць, кода „эрь шинь эряфса цебарь и добрай тевонь инкса тюремань оружиянь“ лангс.

Трудячайхненди служениянь ня великай принципненди А. Церетели илядсь вернайкс куломозонза. Грузияса крепостной правать полафтомдонза инголькиге сон кармась сьормадома вию и правдивай стихт люпштаф крестьянствать араманц инкса.

А. Церетели мзярдовок ашезь лотксе тюремда родной народонц интересонзон инкса—и русский самодержавиять каршес и грузинский помещикненъ дворяттенъ каршес. Путомок эсь инголенза великай цель тюремс царизмать каршес, эсь родинанц национальней возрождениянц инкса, сон койкоста крхка каньксса ванць окружающайть лангс. Грузинский народть имафтф свободанц сон сидеста ольксезе кода кулоф кельги стирнянь (кепотьксонди, „Сулико“ стихотворенияса, конац арась народнай морокс).

Тяфтама замечательнай исторический поэматненъ эса, кода „Торнике Эристави“ (1884) и „Натэла“ (1898) А. Церетели танга и танга шнакшнезень Грузиянь лучшей ломаттненъ поступкаснот, ся ломаттненъ, конат макссезь эсь пряснон родинаснон инкса. Эсь стихонзон эса сон макссезь народть йоткса популярнай руставелевский образ и тернезень эсь современниконзон страхфтома тюремс свободать инкса, кода тюрсть витясне—Руставелить поэматзон геройсна.

1905 к. революциять А. Церетели васьфтезе, кода люпштаф нароттненъ освобожденияснонды ушеткс, кона учсефоль пяк ламос.

А. Церетелити маласа ульсь народонь братствань идеясь. Сон фалу ценил русский культура, преклоняндакшнесь Украинань поэтический генийть—Тарас Шевченкоть инголе, кирдсь дружба Армениянь лучшей писательхненъ мархта.

Народонь ся братствась, конань колга арьсекшнесь Акакий Церетели, йотафтф эряфс минцонк. Минь ламонациональной родинань конь гражданонза мзярдовок аф юкстасазь великай грузинский поэтть.

Герезин.

Рузавский район.

Германиять и Франциять йоткса перемириянь условиятне

Английский Рейтер агентствать сообщениянц коряс, германский правительствась предложил французский правительствати перемириянь тяфтама условият:

Военнай действиятненъ куроконь пингста лоткафтомасна. Германиясь оккупировандасы территориять, конац ащи швейцарский границать эзда северу и западу Атлантический океанть побережьязонза модемс.

Оккупировандаф территорияса Германиять должетт улемс оккупирующей державань сембе праванза, местнай управленияда башка. Французский правительствась может эсь мяленц коряс кочкамс эстейнза эрямс васта оккупировандаф территорияса, или мянь йотамс Парижу, кда сонь ули мялец. Ся случайста, кда французский правительствась арьсезь йотамс Парижу, германский правительствась максы тейнза эрявикс условият управлениянди, кода оккупировандаф, тяфта и апак оккупировандак территориять мархта.

Французский военно-морской и военно-воздушной вийхне должетт улемс демобилизовандафт и разоружандафт. Апак оккупировандак территорияса военнай материалонь тиёмась должет инь курокста лоткафтф. Францияти кадондови аньцек флотть пяльксоц, кона эряви колониятненъ эса французский интересненъ ванфтомс. Сембе иностраннай самолеттне, конат ашихть апак оккупировандак территорияса, должетт улемс максфт германский власттненди.

Расхоттне, конат карьхцафт германский оккупационнай армиять кирдеманцты, должет пандомс франциясь. Сембе германский военнопленнайхне должетт улемс нолдафт. Сембе французский военнопленнайхне, конат ашихть немецненъ кядьса, лядыхть тозк миронь тиёмать пингс.

Перемириясь сувай вийс, кода аньцек французский правительствась тия тяфтама жа соглашения итальянский правительствать мархта. Перемириясь действительнай мирнай договоронь тиёмать самс и может улемс расторгнутай любовай пингста, кда французский правительствась аф кармай эсь обязательстванзон пяшкотькшнема.

(ТАСС).

Западной Фронса военнай действиятненъ лоткафтомасна

Германский информационнай бюрось пачфнесы Римста, што июнь 24-це шистонза сьормаф Италиять и Франциять йоткса перемириять колга соглашения. Германский правительствати тянь колга ульсь пачфтьф 19 частса 35 минутаста итальянский и германский кизонь времать коряс. Военнай действиятне лоткафтф июнь 25-це шистонза 1 частса 35 минутаста.

(ТАСС).

Ответ. редакторъ заместителец
И. ЧУДАЙКИН.